



Universitätsbibliothek Paderborn

Viator Christianvs Recta Ac Regia in coelum Via tendens

Soliloquium Animae. Vallis Liliorum. De Tribus Tabernaculis. Gemitus & suspiria animæ poenitentis, seu de Vera Compunctione Cordis. Cohortatio ad Spiritualem profectum

Thomas <von Kempen>

Coloniae Agrippinae, 1682

XII. De unico & summo bono quærendo.

[urn:nbn:de:hbz:466:1-53320](https://nbn-resolving.de/urn:nbn:de:hbz:466:1-53320)

438 SOLILOQUIUM

Vigilate, & orate, ut non intratis in temptationem. Tempus prope est, ut paratos vos inveniam. Ecce prædicti vobis.

CAP. XII. De unico & summo bono quaerendo.

Psal. 34.

Anima
non quie-
scit nisi
obtentum
summo
bono:

Dic anima mea, Salus tua-
go sum.

O quam nobilis es anima,
quam mira virtus in te latet: quæ
quiescere non vales nisi summo
addepto bono, & ultimato inven-
to fine! Quo cognito & invento,
cessat motus tuus.

O bonum super omne bonum!
O finis sine fine, quando fruar te
sine modo, & sine fine! Multa
hic invenio bona, sed quæ alte-
rant, non quæ satiant.

Luc. ro.

Porro unum est necessarium.
Hoc unum quaero, hoc unum de-
sidero, Propter unum omnia, &
ex uno omnia. Hæc si habuero,
contentus ero: & nisi potitus
fuerero, semper fluctuo; quia multa
me implere non possunt.

Quid hoc unum? Nescio di-
cere, desiderare me sentio, quo
nihil

& quali
bono!



nihil melius, me majus est , sed
nec cogitari potest.

Non enim hoc unum inter omnia , sed unum super omnia est.
Deus meus est, cui adhærere &
inhærere, bonum mihi est. Huic
dico , huic clamo : *Dic animæ
meæ, Salus tua ego sum.*

Psal. 34.

2. Quid ultra concupiscis anima mea desiderio plena? Nonne melius est, ut uni adhæreas quam multis. Ex uno multa, non unum ex multis.

Cessa multa quærere , uni te
junge, uni adhære, in uno totum
consistit.

Quærant alii multa & varia Multi
ab extra ; tu quære unum inter multa &
num bonum, & sufficit tibi. varia

Ecce aliis villam quærerit, aliis in negotiationem suam vadit Alius argentum & aurum multum congregat, aliis voluptates ambit & honores.

Luc.14.

Alius amicos & cognatos requirit, notos & affines libenter visitat.

Alius urbes & castella intrat,
& varias mundi partes desiderio oculorum ductus lustrat.

Ff 5

Alius

440 SOLILOQUIUM

alius sapientiam, alius potentiam, alius magisterium, alius regale aut principale petit obsequium. E in hunc modum alius hoc, alius illud, sive in seculari sive in spirituali statu requirit.

Pauciū-
num, in
quo tamē
omnia:

Pauci unum, & propter unum, pure & simpliciter quærunt. Ideoque nec stabilem pacem inveniunt, nec internam gratiam sapiunt.

Quicumque enim sunt Christi, non temporalia, non terrena quærunt, tanquam tunc magni & glorioſi effent, si his omnibus abundarent.

3. Non ergo ad te pertinent, qui ista quærunt, ô anima devota: Protectio nihil.

Detestor hæc omnia: quia unum est bonum meum, unum diligo, unum requiro: & ipsum melius mihi est, quam omnia bona infra vel supra.

Quo ha-
bito, fa-
cile est
carere
cæteris.

Si tantum bonum invenisti, hortor te & suadeo tibi, custodi & tene, pro quo omnia contempsisti. Nam illud habendo, cæteris careret non erit onerosum, immo pro ipso lucrando, omnia da-

re



re & pati debere , judicabis re-
dissime dignum.

4. Quære ergo nunc anima
mea , tam singulare & superemi-
nens bonum, Quamdu in carne
vivis, quærere ne cesses, quia nec
tatis inveniri potest , quod ad
plenum comprehendendi non po-
test.

Erit autem finis quærendi,
cum venerit hora fruendi. Tunc
enim erit omnia in omnibus, ip-
se solus unus, sufficiens omnibus
& singulis.

Et si ibi adhuc quæritur , ubi
semper invenitur; non tamen, sic
ut hic, cum labore, sed summo
cum gudio & amore.

Qualis autem sit piis in hac
vita , multis docetur nominibus,
nec ignoratur ab expertis.

Adverte tamen aliquantu-
lum (experientia magistrâ juvan-
te) quæ sint divinæ pietatis no-
mina. Pauca tibi expono : sed
plura atque sacratiora ejus do-
ceat gratia.

Ecce, Iponsus est amantibus,
& qui adhuc in timore ei ser-
viunt, metuendus Dominus.

Varia di-
vinæ pie-
tatis no-
mina.

442 SOLILOQUIUM

Pater est bonis filiis, malevolis autem districtus judex.

Infirmis est medicus, & sanis solidus cibus.

Doctor est ignorantibus, & obtemperantibus sibi salus aeterna.

Via est incipientibus, veritas proficientibus, & vita perfectis.

Spes est poenitentibus, & iustus consolator optimus.

Gloria est humilium, & poena superborum.

Lux est in tenebris, & lucernna in noctibus.

Dat medelam aegris mentibus, & vinum laetitiae multum tristibus.

Stat cum pugnantibus, ambulat cum proficientibus, currit cum ferventibus, volat cum contemplantibus.

Adest orantibus, loquitur cum legentibus, quiescit cum meditantibus.

¶ In omnibus his operatur unus atque idem Deus, apparet singulis prout vult; & non est reprehensio in sermone ejus, neque investigatio operum ejus.

Magna

Opera
Dei irre-
prehensi-
bilia.



Magna sunt enim & inscrutabilia judicia ejus, & nemo dicere potest, Cur ita facis ? & quare hunc magis quam illum eligis?

Stulta est hominis interrogatio adversus omnipotentem, & omnis adinventio filiorum Adam vanitas & nihilum.

6. Quomodo placent tibi haec, & qualiter sapit tibi Deus?

Bene sapit mihi, & opera ejus non possunt mihi displace. Iustus est, & quis potest eum arguere de iniustitia?

Qui enim hoc fecerit, contrarium se illi constituit, & argueretur ab irreprehensibili lumine eius.

Sed haec quæ audisti, quid sunt in conspectu ejus? Vix scintilla modica est, ab eo quod intrinsecus latet.

Quæris, quid istud? Dico: Nescio quid est, sed est totum supra me, & quasi inaccessibilis quædam caligo, cuius principium sicut & finis ignoratur.

Sit proinde potior meditatio tua & affectus frequentior, circa humilia vestigia Jesu; & noli ad

Incipientibus ma-
gis con-
venit mea
ditatio
humani-
tatis
Christi,
quam di-
vinitatis,
Prov. 25.

444 SOLILOQUUM
alta cito concendere , ne oppri-
maris à gloria.

Verum , quia amor intensus
interdum oblitiscitur reveren-
tiæ & timoris, tolerandum est; si
aliquando de dilecto suo amans
intense inflammatur ; ut querat,
non solum qualiter parvulus na-
tus in prælepio vagiat, aut in pa-
tibulo crucifixus pendeat : sed
qualiter gloriosus in cœlo reg-
net, & cuncta sub cœlo mirabili-
ter disponat.

7.Libenter sequor te amande

Matt. 6. Jesu in terris , sed multo liben-
tius sequerer ad cœlos.

Ubi est thesaurus meus, ibie-
rit & cor meum. Thesaurus meus
tu es, charior omni creatura, qui
es ad dexteram Patris. Pro me in-
carnatus, pro me elevatus. Exé-
plum mihi reliquisti in terris,
præmium te servas in cœlis.

Ad te igitur oculi mei ; post te
omnes gressus mei ibunt. Tibi di-
cit cor meum, exquirit te facies
mea , faciem tuam Domine ju-
giter requiram.

Ulquequo Domine visio glo-
riæ tux? Quare faciem tuam ab-
scon-

Psal. 26.

Iob. 12.



condis, arbitraris me inimicum tuum? Scis utique, quia tamdiu fertur hinc inde animus, trahitur & retrahitur in diversa affectus meus, donec tibi tanquam suo amabili jungatur in cœlis.

Vis etenim amoris quiescere nescit: sed de suo amato incessanter querit, nuncios emitit, preces geminat: sed nec sic dimittit, quia amor omnino possidere vult quod concupiscit.

8. Trahe ergo me, ut currere incipiam ferventer post te. Opus mihi est tractu, & magno tractu. Nisi enim traxeris, nemo venit, nemo sequitur; quia ad se quisque curvatur.

Si trahis, ecce venio; ecce festino, curro, serveo. Sin autem, nec curro, nec quæro; vix est, quod sequi desidero. Sed si manum dederis, tanto celerius corro, quanto fortius traxeris.

Vox Dilecti mei trahentis: Et *Iohann. 13.*
ego cum exaltatus fuero à terra, omnia traham ad meipsum.

JESU bone, trah me post te,
& non solum ego, sed omnes cur- *Cant. 1.*
remus in odore unguentorum tuo-
rum.

Amor
moræ &
quietis
impatiēs.

Dilectum
sequi non
possimus
nisi tractu
gratia.

446 SOLILOQUIUM

rum. Primum itaque trahe me
polite, deinde sequantur alii vi-
so exemplo bonæ vitæ.

At ne superbire possemus, bo-
num est nobis hoc simul sentire;
quia non in viribus nostris, sed in
odore unguentorum tuorum
currere coepimus.

9. Hic est tractus divinus, sine
quo proficit nullus: sed nec in-
cipit aliquis, sicut itidem dixisti:
*Nemo venit ad me, nisi Pater
meus traxerit eum.*

Quem ergo trahit Pater, uti-
que sequitur te, & deserit te. Be-
ne tractus videbatur, qui dice-
bat: *Magister, sequar te quocum-
que ieris.*

Sed non est omnium sic ad te
affici: nec parvæ est animæ, tam
paratè ad omnia te sequi.

10. Quid tibi obest anima
mea, quod propter IESUM non
deseris omnia? Quare tam invite
separaris à vanis & perituriis?
Quid juvant hæc visa?

Ecce cùm per res mortales &
visibiles creaturas pergis, vo-
lens in eis contentari, perdis
meliora.

A sum-

Ioan. 6.

Matt. 8.

Propter
Iesum de-
serenda
omnia.



A summo bono te dividis,
cùm hoc agis; & à vera, ac beata,
eternaque vita te avertis. Idcir-
co misera & infelix manebis,
plena doloribus & anxietati-
bus.

Quocumque enim te vertere
disponis , dolores semper inve-
nies & tædia multa , nisi fueris
iterum ad Creatorem conversa;
quia ipse est pax tua, & requies
secura.

Verum, si in terrenis minime
feceris moram, nec pedem in li-
mo fixeris; sed potius considera-
veris , & venerata fueris in spe-
culo creaturarum, non imaginem
quæ transit , sed eum cuius est
hæc imago & superscriptio, bea-
taeris & non morieris.

Cùm enim cuncta visibilia non
ad fruendum quæris , sed ad be-
nedicendum Creatoris tui no-
men aspicis , fabricando tibi ex
summis & imis operibus ejus
scalam quandam, cui innitaris ad
sursum pergendum ; liberaberis
utique à seculi visco pessimo, &
tuo desiderato fini satis intime
copulaberis , qui est super om-
nia

Extra eū
omnia
plena do-
loribus &
miseriis.

Creature
nobis
scalæ sine
d Crea-
torem.

448 SOLILOQUIUM
nia Deus benedictus in secula.
Amen.

CAP. XIII, De unione anima
cum Deo, & de substractio-
ne gratiae.

Psal. 62.

Adhasit anima mea post te.
Deus meus consolator
verus, tu scis, quia non tædet me
tui: sed quotidie libet tibi in se-
creto meo loqui.

Sed ubi te quæram, si forte ad
horam perdidero? Quis me per-
ducet ad te?

Tu super omnia Deus, & ego
inter ista inferiora homo pau-
perculus. Tu in cœlo, & ego in
mundo. Tu solus altissimus, ego
vero mendicus sum & pauper.

Anima Quis mensus est distantiam
etiam hic cœli & terræ? Hæc valde di-
cum Deo stant, sed tu longius à me.
uniri po-
test, Quis ergo me tibi adunabit?

Aut tu facies, aut nullus poten-
tit. Verumtamen si vis, fieri utique
celeriter.

Tu autem nosti, quia cadere
mihi proclivius ex me est, abs te
vero stare donatur & proficere.

Ideo-

